

## UVOD

U današnje vrijeme globalizacijske promjene i procesi zahvataju sve sfere pa tako i špediciju tj. špeditere. Opšte je poznata važnost špeditera u lancima “snabdijevanja” a današnji trend „tjera“ klasičnog špeditera u zaborav te one najspremnije transformiše u logističke špeditere koji obavljaju brojne i kompleksnije aktivnosti i funkcije.

Klasični špediteri u tranzicijskim i nerazvijenim državama, svakim danom ubrzano preduzimaju sve relevantne aktivnosti za efikasnu i efektivnu transformaciju klasične špedicije u suvremenu logističku špeditersku djelatnost.

Jedina perspektiva i opstanak domaćih klasičnih špeditera uslovljen je njihovom transformacijom u logističkoga operatora koji pretpostavlja širenje područja djelovanja klasičnih špediterskih poduzeća pri distribuciji, umrežavanje preduzeća, tehnološki razvoj, primjenu informacionih tehnologija kako bi udovoljili sadašnjim i budućim promjenama na proizvodnom i transportnom svjetskom tržištu

Klasična špedicija sve više i u najrazvijenijim državama svijeta postaje stvar prošlosti jer smo svjedoci prerastanja velikih špediterskih kompanija u svojevrsne logističke operatore, koji sve više, kao proizvođači logističkih usluga, koordiniraju, organizuju i/ili izvršavaju sve aktivnosti u logističkim procesima.

Na početku rada objasniću pojam špedicije i špediterskog poslovanja, vrste i funkcije sa osvrtom na međunarodnu špediciju i međunarodne špeditere. U nastavku rada kroz obradu pojma logistike, obradiću pojam špedicije kao savremenog logističkog provajdera.